

欽定大清會典圖

欽定大清會典圖卷二百十九


輿地八十一


鎮西廳圖

庫爾喀喇烏蘇廳圖

精河廳圖


鎮西廳圖一





鎮西廳圖二

南





鎮西廳在省治東北一千三百三十里。至

京師七千五百一十里。巴爾庫勒泊即蒲類海。在治西北。受水磨河。河出廳東南。北流折西。右出三支渠。一當天時莊。東人和莊。北一當地利莊。東一當大有莊。東正渠仍西流。經治北。又西瀦於泊。昭莫多河出廳東紅山。西流經沙山子北。又西北柳條河二源。並出廳東南山。合西北流來會。又西北入於沙。小黑溝水奎素水。並在府東南。大黑溝水長家溝水。並在治西南。皆入於沙。鹽池二。一在巴爾庫勒泊北。一曰西鹽池。在

治西南。三塘湖在治北。大柳溝小柳溝板房溝
樓房溝藍旗溝大紅旗溝大彩溝小紅旗溝喇
嘛溝並出廳東北山南流入於沙。祁連山即天
山在廳南。廳東至南界哈密廳。西及西北界迪
化府。北及東北界外蒙古札薩克圖汗旗。西南
界吐魯番廳。

庫爾喀喇烏蘇廳圖






庫爾喀喇烏蘇廳在省治西七百里至


京師九千五百五十五里。庫爾喀喇烏蘇河出廳東南額林哈畢爾噶山曰托羅滾水西北流沙格得果水二支合北流注之。又北左釀為流沙坡渠西北流曰干河子入於沙。正渠經廳治東曰奎屯河。又北曰庫爾喀喇烏蘇河。折西會濟爾噶朗河。河出廳西南山曰札哈水。西北流東斗水哈峽圖水合東北流注之。又北支渠西北出歧為三曰蘇忙渠曰蘇木渠曰庫爾忙渠。正渠又北。左出支渠二曰半截溝曰東井。又北右

納布爾噶濟水。又經普爾塔齊臺西而北。左釐
為額布度克渠。右釐為公格塔拉根渠。又西北
為濟爾噶朗河。與庫爾喀喇烏蘇河會。庫爾喀
喇烏蘇河。又西流入精河廳界。固爾圖河出廳
西會頭道水。二道水。三道水。四道水。五道水。東
北流。經固爾圖臺東。折而西北。亦入精河廳界。
巴五里果勒水。伊克烏蘭泉。合巴夏泉。並在廳
東。北流入於沙。苦水將軍河。克里器水。並在廳
南。北流入於沙。大比阿拉圖水。木吉克水。三吉
水。木的圖水。並在廳西北。流入於沙。西湖在廳

北東泉中泉西泉在廳西廳東界迪化府西界
精河廳北界塔城廳南界喀喇沙爾廳西南界
伊犁府

精河廳圖





精河廳在省治西一千七十五里至

京師九千九百六十里。喀喇塔拉額西柯泊即鹽海子。在廳北。南受精河。西受博羅塔拉河。東受庫爾喀喇烏蘇河。河自庫爾喀喇烏蘇廳入界。合其廳之固爾圖河西流。渚於泊。精河一曰晶河。出廳南山曰烏圖津。合而木津水西北流。吉布克水。那林果水。哈拉得其水。阿克布。早水。東都津水。合東北流。來會。又西北經廳治南。左曠為察罕通固渠。右曠為屯田渠。又經廳治西而北。渚於泊。博羅塔拉河即薩爾巴克圖河。出廳

西山東流右合博可哈拉水左合德木克山水
又東北右納枯婁本水麻相泉遐拉泉白克進
泉水會浪白克怎川水左納覺洛圖泉拜里克
泉覺洛泉白克怎泉耶里肯泉水鄂里吐里克
水又經察罕烏蘇卡倫南而東左納札圖木欽
水又東經雅瑪圖卡倫北左右各納一小水又
東經雅里河土山北左納塔勒奇泉水苦克里
特水又東布哈水自廳北喀喇嶺西西南流注
之。又東經察哈爾兩翼城南。又東庫森木什河
自伊犁府甯遠縣來東北流注之。又東瀦於海。

雨的尼水自庫爾喀喇烏蘇廳界北流入於沙。
察罕水亦自其廳入界合耶里滿津水阿里帖
克水北流入於沙。小果水大果水在廳東南東
托各斯台水尼勒黑水在廳西南並北流入於
沙。廳東界庫爾喀喇烏蘇廳南界伊犁府西及
西北界哈薩克。


欽定大清會典圖卷二百二十

輿地八十二

塔城廳圖

哈密廳圖


塔城廳圖一



塔城廳圖二

左中


一




塔城廳圖三

中北

一






塔城廳圖
四

左北


--



塔城廳圖五

中北

二



塔城廳在省治西北一千六百二十四里至

京師一萬二百八十里。齊桑泊在廳東北。額爾齊斯河即多邏斯川。自科布多阿爾泰烏梁海旗西北流入界。經廳東北受克林河。河上源出廳東北而里木特山。一曰而里木特水。一曰阿黑沙拉水。一曰哈拉沙斯水。合西南流。烏雀里特水。烏拉斯特水。求下阿特水。合西南流。注之。又南特木里特水。罕達海圖水。合西南流。注之。折西為克林河。合杰木里杰克水。與額爾齊斯河會。額爾齊斯河又西。古魯特水。一名古爾圖河。

西南流注之。又西阿什魯枯魯水一名庫魯圖

河上承乞必斯朗水。覺以持海水作哈拉改山

南三小水。克什布拉可水西南流注之。又西會

布爾崇河。河一名博爾集河。出廳東北阿克別

列克山。西南流合其北一小水。及其南必斗哈

拉斯水。潴為喀喇斯湖。又自湖東南出。右納通

氣立克水。必列阿特水南流。浣木水即和穆河

出。浣木達坂合梭木水。吉克嶺水西流注之。又

東南求干涉里特水。阿合公改土水。喀喇公加

特水並東流注之。卡得可水。白克得可水。哈拉


阿衣列克水克林布拉可水加各斯台水阿各布
土水合西流注之。又南左納科科齊里克水。右納
哈洛各坦水。又西南與額爾齊斯河會。額爾齊斯
河又西經乞冷塔山南。又西經哈薩克臺南受阿
克哈巴河。河出廳東北山。南流左合托倫木特
水納林哈巴水科科木特水哈土水帖列克特
水。詰白特水磨若里特水胡吉爾圖水。又合老
海布拉可水。西南流。左釀為屯田渠。右釀為沙
拉布拉渠。又南與額爾齊斯河會。額爾齊斯河
又西經哈斯塔勒山北。愛拉克巴什水會賽斯


水布果里水曰畢列子克河南流注之。又西右
納克子哈引水。又西右納阿勒克別克河。又西
北瀦於齋桑泊。額東河特穆爾綽爾河並在廳
東。北流亦瀦焉。阿布塔爾謨多河合楚克里克
河東流亦瀦焉。額爾齊斯河北出合布坤河納
林河入哈薩克界。額教爾河出廳東北。左合三
小水。右合一小水。西南流經烏蘭哈達台南。左
納一水及波改水都倫渠水。又西南遐勒額教
爾河喀喇額教爾河合西北流注之。又西經布
爾噶蘇台及色莫爾莫多台南。又西錫伯圖河

西南流注之。察罕河合博爾里河達蘭圖水西
北流注之。阿布達爾河西南流注之。又西經廳
治南。喀喇古隆河出廳東北烏拉斯台水出廳
西北合於城南左納南湖右納安白喀喇水南
流來會。又經瑪尼土卡倫南。西南流瀦為阿拉
克圖胡爾泊。烏里雅蘇圖河札哈蘇台河玉爾
河雅爾河賴鄂爾渾河合南流與哈拉河並瀦
焉。金集里河必斂河雅爾哈圖河雅瑪圖河並
北流瀦焉。沙子噶圖河出廳東山。曰霍博克薩
里河曰額通河曰果勒河曰固爾班水曰塔克

南界迪化府。西南界精河廳。西及北界哈薩克。

哈密廳圖一





哈密廳圖二

南

哈密廳在省治東南一千六百二十里至

京師七千一百八十里。哈密河即喀喇烏蘇。上源曰塔平河。出廳東北山。西南流。二水出必柳嶺。合西南流來會。又西南曰蔡巴什湖。又西南經治東。又西南見見墩水。出廳西北。合龍王廟水。南流來會。又南曰小南湖。又南曰大南湖。又南折而西。潄為大泉海子。關毛湖二源出治東。經坤豐圖山東。合北流經葦子峽。東又北入於沙。廟爾溝水出廳東山。曰太陽溝。南流曰上河。又南曰下河。又南經廟爾溝。卡倫東曰河尾。又南

折西流曰乾河尾子入於沙。烏拉泉出廳東山。南流分三支曰芟芟台溝曰烏拉台溝曰阿東溝並入於沙。乞杆泊上下廟爾溝黑其瑪克水。安吉乃水並在治東南。他依拉可水在治西。皆入於沙。錫喇鹽池在廳東北。沙爾泊在廳西南。祁連山在廳北。廳東界外蒙古。札薩克圖汗旗。西界吐魯番廳。北界鎮西廳。南界甘肅安西州。西南界喀喇沙爾廳。


欽定大清會典圖卷二百二十一


與地八十三

吐魯番廳圖

喀喇沙爾廳圖

吐魯番廳圖







吐魯番廳在省治東南五百里。至

京師七千九百三十里。沙河源出廳北天山南麓。曰蒲萄溝。南流經治東曰沙河子。又南歧為二。並入於沙。坎托海水即齊克騰木水出廳東北山。西南流折東南經東可可雅爾卡倫東。又東南經齊克騰木驛東。又東南一小水自西來會。又東南入於沙。了頭溝水出廳東。南流經連木沁驛西。折西南經了頭溝卡倫北分為三。曰東湖。曰北渠。曰南渠。並入於沙。托克遜河自迪化府迪化縣東南流入界。經托克遜城東。又東南

右納一小水。經廳西南。潏為覺洛浣。復東南流。入於沙。白楊河亦自迪化縣東南流入界。經廳治西。入於沙。伊拉湖諸小水在廳西。木頭溝諸小水在廳東。並入於沙。祁連山即天山在廳北。廳東界鎮西廳。西至南界喀喇沙爾廳。北界迪化府。東南界哈密廳。


喀喇沙爾廳圖一






喀喇沙爾廳圖二

左中
一







喀喇沙爾廳圖三

中 南

一







喀喇沙爾廳圖四

左南

一一






喀喇沙爾廳圖五


中南
二

喀喇沙爾廳圖六

左南

一一





喀喇沙爾廳在省治西南一千九十里。至

京師八千九百五十里。朱勒都斯河即裕勒都斯河。出廳北山。西流過土克嶺北。又西哈拉蘇台水。因爾班水自東北來注之。哈拉水合英泉博洛各斯太水。合拉水。雅瑪圖水。察罕洛生水。色領木水。自東南來會。又西左納覺洛圖水。吉木特水。乃吉特水。色乃烏生水。烏蘭沙拉水。哈仁洛耳水。右納克里的水。烏拉斯土水。札隆木土烏生水。又西南右納西北二小水。過巴圖拉山南。支渠西南出。經巴倫河喇南。正渠亦西南流。

曰大朱勒都斯河。經巴倫阿喇北。右納五小水。及揚河沙拉水。折東南與支渠合。又東南賽仁木水自東北來注之。伏羅海水合。扣克納克水自西北來注之。又東經達蘭嶺南。左納哈馬爾金格水。哈那挨特水。哈布齊水。烏洛斯台水。右納廓克鐵克水。烏蘭色奉托海水。又東南右納雀及薩拉水。結沁窩拉改水。當察罕烏生嶺南。左納察罕烏生水。右納合林希里水。合拉梗察罕水。又東左納哈拉木登水。右出三支渠。曰希格苻渠。曰哈爾木同水。曰賽更布荷水。並入

於沙。正渠又東南會哈布齊海河。河上源曰託
乃特水。出廳北山。合四小水東南流。和屯博克
水出和屯博克嶺西南流來會。又南右納一小
水。左納烏拉蘇台水。巴勒干台水。薩薩克水。他
勒唐沙拉水。又出哈布齊海山口而南。東出支
津二曰克札渠曰烏古渠。右納文龍勿羅滾水。
又南與朱勒都斯河會。朱勒都斯河又東南支
渠東出曰北大渠。正渠南流經廳治西。又東南
曰開都河。右有廳西南之伊領泊水來注之。東
出一支津復歧為二。曰特里木渠曰賽里特渠。

並入於沙。又南豬為大澤。曰博斯騰泊。北受青
水河。河即奇爾歸圖河。上源二曰拉伊而特水。
曰霍羅海而起水。出廳東北山。合南流。經得浪
嶺西。又經則里敏嶺而南。霍羅果勒水。胡松木
生水。合東南流來會。又南哈哈爾齊水。西北流
來會。又南豬於泊。泊既受開都河及清水河水。
復西溢而出。經哈拉哈阿滿台南。庫勒回城北。
為孔雀河。折東北曰共琦河。會渭干北河。河自
庫車廳分渭干河水東流入界。經廳西南為英
氣蓋河。又東匯為沖庫海子。復東流與共琦河

會共琦河又東復名孔雀河東南流葉羌河上
承塔里木河水東北流注之。又東南會塔里木
河。河自庫車廳東流入界。經廳西南匯為小羅
布泊。又東折北其支津亦自其廳來曰黑一黑
河東流注之。又東北渭干南河亦自其廳東流
來注之。折東南經英格可立莊西南。右出數支
津並入於沙。左出二支津合東北流為葉羌河
注於孔雀河。又東南復左右各出一支津。又東
南與孔雀河會。又東南經七克里克莊北。又東
瀦為羅布泊。切鐸河自和闐州于闐縣東流入

界。經七克里克莊南東流亦匯於泊。第納爾水
自庫車廳南流入界。經廳西布古爾城東又東
南匯為般達耳薩它洛可海子。而布阿羅果勒
水在廳東北合阿羅果勒水東流。木圖特水合
干糾爾圖水東流。烏斯圖果勒水合察罕沙拉
水輝武乃水東流。並入吐魯番廳界。察罕洛生
水出廳西北山。合一小水西流。左納哈布哈羅
水宏加扣克水。右納阿兒香尼果勒水。固仁班
水。又西南入伊犁府甯遠縣境。昌曼河亦出廳
西北並西流入甯遠縣界。合為崆吉斯河。達里

克土水烏沙塔拉水曲惠水並在廳東。察罕泊
察罕哈梗水霍格得克水烏蘇合朶水合里塔
水並在廳東南。庫爾楚水乾溝水野雲溝水策
達雅爾水洋薩爾水並在廳西南。均入於沙羅
卜泊在廳東南。阿不旦浣碩洛浣在泊東。葛斯
池科干水列霸出莽水怕夏勒可水特各立可
水庫木塔什水並在泊東南。卡克里克水甜水
泉子水在泊南。挖石峽水在泊西南。並入於沙
騰格里山即天山在廳北。廳東界吐魯番廳。西
界庫車廳。北界庫爾喀喇烏蘇廳。南及西南界

和闐州。東南界甘肅安西州。青海。東北迪化府。
西北界伊犁府。